

թիւն, և հաստատել զկարծիս քաղաքապետին, և նա արար զքննութիւնն 'ի ձեռն հաւատարմաց իւրոց, և եկեալ պատմեցին առաջի նորա, թէ զանկեալ քարինս միայն եղեալ են 'ի տեղիս իւրեանց : Բարկացեալ դատաւորին առաքեաց զարս առ քաղաքապետն արձակել զգործաւորսն, և հրամայեաց Դաւթի երթալ և կատարել զգործն, ԳՂԳ (1890) :

Ի սին ժամանակի փականք դրան Եկեղեցւոյ գերեզմանի Ս. Աստուածածնին էին 'ի ձեռս այլազգեաց, և կոչէին դռնապանք, յաւուր միում անկաւ խոռովութիւն 'ի մէջ նոցա, զի Շէյխ Սալէն ոմն առաջի արարեալ թուղթս ինչ հակառակէր թէ միայն ինքեան սեփհական է ծառայութիւն Ս. Գերեզմանին : Լուցանել զկանթեղս և զատանակս՝ այլովքն հանգերձ : Իսկ ընկեր նորին Շէյխ Նուրէֆըն, պնդէր զհակառակն, թէ պաշտօնը այդ յանձն է քրիստոնէից բնակելոց յերուսաղէմ, և ոչ երբէք անկեալ է 'ի ձեռս այլազգեաց : Եւ 'ի գրգռիլ վիճմանց՝ կոչեցին զԴաւիթ Պատրիարքն Հայոց, և զթարգմանն Լատինաց Հաննա որդի Յազուպայ եւ զայլս 'ի քրիստոնէից : Նուր էտտին կացեալ առաջի դատաւորին յայտ արար բազմութեան ժողովելոց անդր, և ասէ, պաշտօնեայք և լուսարարք կանթեղաց գերեզմանի Ս. Կուսին, են քրիստոնեայք մինչեւ ցայսօր, և ոչ ոք ունի իրաւունս հակառակելոյ այնմ : Տեսեալ Սալէնի թէ ոչ կարաց շահել ինչ, ինքն եւս յակամայս խոստովան եղեւ թէ արդարեւ այդպէս է, և ոչ կարեմ յաիշտակել 'ի ձեռաց նոցա, եթէ էր 'ի ձեռս այլազգեաց, իրաւամբ պահանջէի զլուսարարութիւն գերեզմանին : Եւ 'ի դադարիլ սոցա 'ի բանից՝ լսնդրեցին քրիստոնեայք արձանագրել 'ի դատարանի զամենայն բանս զոր խօսեցան այլազգիք յատենի անդ . 'ի ՎՋ Բամազան ամսոյ, ԳՂԳ (1890) :